

տի, որոյ վասն կրեաց բազում տառապանս և զբարտառութիւնս յայնց պարտատեարց, որք համակամ էին կողովարիչ և ղեկոյն:

Մինչդեռ նա յայսպիսի իրս պատաղեալ էր, վարեցաւ 'ի Պատրիարքութենէ Սահակ վարդապետ և նստաւ 'ի տեղի նորա Յովհաննէս վարդապետ Գանձակեցի: Եւ սա առաքեաց յերուսաղէմ զարս չորս, որք յառաջագոյն իսկ բազում չարիս հասուցեալ էին վանաց Ս. Յակոբայ: Եհաս գուժ առ Յովհաննէս վարդապետ, որ այն ինչ յուզարկեալ էր զուխտաւորս 'ի տեղիս իւրեանց. թէ ահա գոյ Պապիքեսիրցին ընդ ուխտաւորս փոխանորդ և վեքիլ. եւ զկնի սակաւ աւուրց եկն եմուտ յերուսաղէմ ընդ արբանեկօք իւրովք:

Եւ զկնի աւուրց ինչ ձեռնարկեն 'ի կահ և 'ի կարասիս տանն, և ժողովեալ զամենայն սղնձեղէնս՝ 'ի միում զիշերի գաղտագողի իջուցին 'ի Յոպոլէ, և անտի յեգիպտոս, և զայլ իրս յայլ տեղի. զի համարձակ վաճառեսցին, և զմեծամեծ խալկինսն, զորս շինեալ էր Գրիգոր Պարոն Տէր, ետուն քաղաքապետին 'ի տուգանս, որք են այժմ 'ի Քերրոն 'ի ձեռս այլազգեաց՝ վրայ չարութեանց նոցին: Զտունս և զպարտէզս և զայլ կալուածս վանաց, առ երեւոյթ իրբեւ թէ 'ի գրաւի դնէին, բայց 'ի ծածուկ վաճառէին: Ապա խորտակեցին զամենայն անօթս եկեղեցւոյ զարժաթեղէնս և զոսկեղէնս, զխաչս, զսկիհս, բուրվառս, տապանակս, քշոցս, և զկանթեղս, և վաճառէին այլազգեաց անարգ գնով. 'ի բաց հատեալ նուազեցուցին զոգեպահ կերակուրն միաբանաց մնացելոց, և յետոյ խալառ փակեցին զտնտեսատունս: Եւ 'ի դալ նոր Տեղակալաց՝ ամսօրեայ ժամանակաւ կազէին ընդ միմեանս. նորքն հնոց վրէժխնդիր, հինք նորոց քինաուրք. մասնիչ լեալ իրերաց անկանէին 'ի տուգանս, և վատնէին զարդիւնս ժողովրդոց 'ի յազուրդ կրից իւրեանց: Դէզադէշ բարդեալ կուտեցան սոկոսաւոր պարտք եւ ոչ զոք գտանէին այնուհետեւ առնուլ գրամս, թէ եւ կաշառս խոստանային երաշխաւորաց ընդ գրաւոյն, մինչ 'ի դալ նոր ուխտաւորաց. այլ ոչ ինչ օգտեցան, զի բարձեալ էր 'ի նոցանէ յոյս հաւատարմութեան: Զոյս ամենայն տեսեալ պար-